




Republika e Kosovës
Republika Kosova – Republic of Kosovo

Komuna e Prishtinës
Opština Priština – Municipality of Prishtina



RAPORT GJASHTËMUJOR

I Komitetit për Komunitete - Janar-Qershor 2016

I. Gjendja e sigurisë

Gjendja e përgjithshme e sigurisë gjatë periudhës Janar-Qershor 2016 ka qenë e mirë dhe stabile. Bazuar sipas raportimeve të përfaqësuesve të komuniteteve, nuk është regjistruar asnjë eksces ndëretnik në territorin e Komunës së Prishtinës.

II. Qasja e komuniteteve jo shumicë në shërbimet publike

Komunitetet joshumicë kanë pasur qasje të mira në shërbimet publike në të gjitha institucionet komunale. Komiteti për Komunitete, drejtoritë komunale me shërbimet e tyre, ju kanë kushtuar mjaft kujdes anëtarëve të komuniteteve, atyre që kanë kërkuar të pajisen me dokumentacion personal, familjar dhe pronësor.

III. Takimet e Komitetit për Komunitete

Gjatë periudhës Janar-Qershor 2016, Komitetit për Komunitete ka mbajtur 6 takime në të cilat janë shqyrtuar këto çështje:

- Hartimi i Planit të punës së Komitetit për vitin 2016,
- Bashkëpunimi me drejtoritë dhe institucionet e tjera të Komunës: Kryetarin Zëvendës kryetarin, Drejtorin e Administratës, Zyrën Komunale për Komunitete dhe Kthim, zyrtarët e OSCE-së, MKK, Policinë e Kosovës, KFOR-in dhe zyrtarë të organizatave të tjera ndërkombëtare;
- Shqyrtimi i kërkesave dhe ankesave të anëtarëve të komuniteteve mbi gjendjen e tyre ekonomike-sociale, të sigurisë, dhe objektivat e përbashkëta të kthimit;
- Vlerësimi i vizitave të kryera në rajonet me anëtarë të komuniteteve, institucioneve komunale-shkollave në mjediset ndëretnike, familjeve, organizatave shoqërore dhe aktiviteteve të tjera në bazë të Planit të punës të Komitetit për Komunitete në vitin 2016;
- Komiteti gjatë seancave ka nxjerrë shumë konkluzione, të cilat ia ka drejtuar drejtorive përkatëse për t'i implementuar ato;

- Ka shqyrtuar dhe vlerësuar projekte të ndryshme në të mirën për zhvillimin e komuniteteve jo shumicë të përgatitura nga ZKKK.

IV. Takimet e zyrtarëve të Zyrës për Komunitete

- Katër takime me pjesëtarët e KFOR-it kishin për qëllim realizimin e bashkëpunimit korrekt dhe njoftimin e ndërsjellë përkitazi me projektet e vitit 2016, vazhdimin e bashkëpunimit, si dhe adresimeve të përbashkëta gjatë këtij viti. Zyra ka kontaktuar dhe bashkëpunuar me Drejtoratin e Arsimit dhe drejtoritë tjera të Komunës;
 - Takimi me përfaqësuesin e komunitetit ashkali, rreth mundësisë për realizimin e projekteve të vitit 2016, si komunitet jo shumicë;
 - Takimi me zyrtarë nga OSBE, lidhur me çështjet e riintegritimit dhe për çështje të tjera në kuadrin e respektimit të të drejtave të komuniteteve jo shumicë;
 - Takimi me përfaqësuesin e komunitetit rom, për t'i diskutuar projektet që mund të procedoheshin, si dhe data të tjera të rëndësishme për komunitetin rom;
 - Takim me drejtoreshën e Drejtorisë së Kulturës, me qëllim koordinimi të punëve dhe aktiviteteve që ndërlidhen me komunitetet jo shumicë;
- Përgatitja e fushatës mbi regjistrimin civil falas të komuniteteve rom, ashkali dhe egjiptian e planifikuar në periudhën 15.06.2016 deri 31.07.2016. Njoftimet e shtypura u janë dorëzuar dhe shpërndarë në lagjet e tyre përmes njoftimit përkatës;
- Takimi me drejtoreshën e Kulturës, Rinisë dhe Sportit lidhur me organizimin e ditës së Flamurit Ashkali, propozimet përkatëse dhe mundësitë financiare;
 - Organizimi i takimit me drejtorin e Drejtorisë për Shëndetësi dhe Mirëqenie Sociale. Në pika të përgjithshme u diskutuan mundësitë materiale për përfitim të ndihmave për komunitete;
- Takimi i grupit punues nga KK dhe një anëtarë nga ZKKK Prishtinë, për takim në MK, temë diskutimi ishte koordinimi më i mirë me MKK-në në lidhje me kthimin dhe ndihmën komuniteteve në territorin Komunës së Prishtinës. Në këtë takim u morën edhe disa konkluzione
- Duke pasur parasysh se në drejtimin e kthimit (ndërtimit të shtëpive) në Komunën e Prishtinës është bërë shumë pak, ishte e nevojshme që MK-ja, për vitin 2016, t'i jepë prioritet ndërtimit të shtëpive për të kthyerit. Nga MKK t'u bëhet nga një vizitë

në terren familjeve dhe të jetë prezent edhe inxhinieri për vlerësimin e objekteve me urgjencë, ku sipas mendimit tonë do të duhej të jetë prezent edhe inxhinieri për vlerësimin e objekteve (d.m.th. ekipi i terrenit), dhe pas kësaj të mbahet TASK-FORCE në Komunën e Prishtinës duke u futur si konkluzion një shkrim i shkurtër për Negovan Stankoviqin nga fshati Slivovë në trajtën e ndihmës së dytë. Të gjithë ata që kanë aplikuar në Komunën e Prishtinës për renovim shtëpish, të dorëzohet dokumentacioni i tyre me përkrahjen e ZKKK-së dhe KK-së, Departamentit për komunitete në MK (Ministrinë për Kthim). të mbahen mbledhjet tri herë në vit në MKK. Të gjithë individët mund t'i dorëzojnë kërkesë për ndihmë përmes arkivit të MKK-së personalisht;

- Takimi me drejtorin e Administratës, z. Muhedin Nushi, lidhur me projektet e mundshme për procedim për komunitetet jo shumicë;
- Takimi me drejtoreshën e Drejtorisë së Kulturës për implementimin e projektit për nder të 8 Prillit, Ditës ndërkombëtare të romëve;
- Tryeza e rrumbullakët e organizuar nga VORAE për implementimin e projektit trevjeçar – përfshirja sociale dhe përmirësimi i kushteve të jetesës për romët, ashkalinë dhe egjiptianët, si dhe integrimi i komuniteteve në shoqërinë kosovare; planet e kësaj organizate gjatë vitit 2016 për komunitetet RAE dhe bashkëpunimin e vazhdueshëm që do ta kemi në implementimin e projekteve të ndryshme të përgatitura nga organizata përkatëse;
- Takim pune me z. Idriz Berisha lidhur me çështje të ndryshme të komunitetit ashkali, dhe festimin e Ditës së Flamurit Ashkali dhe kërkesë-përkrahjen e dorëzuar në Drejtorinë e Kulturës;
- Takim pune me sekretarin e Kryqit të Kuq në Prishtinë z. Hasan Mustafa. Në takim është diskutuar për projektin e ZKKK-së për mirëqenien e nxënësve të komuniteteve RAE, që si qëllim kryesor ka ndihmesën në veshmbathje të anëtarëve të komuniteteve RAE;
- Takime pune në Qendrën për Punë Sociale.

V. Vizitat e Komitetit për Komunitete

Gjatë periudhës janar-qershor 2016, Komiteti për Komunitete nëpërmes te komisioneve dhe grupeve të punës ka vizituar:

- Komunitetin Ashkali, në “Kodrën e Trimave”,
- Shkollën fillore multi etnike “ Asm Vokshi” Prishtinë,
- Shkollën fillore multi etnike “ Emin Durakui” Prishtinë,
- Gjimnazin “Sami Frashëri” -nxënësit e komunitetit turk,

- Shkollën e mesme “Ali Sokoli” -nxënësit e komunitetit boshnjak,
- Nxënësit e komunitetit turk, rom dhe boshnjak në Prishtinë.

Komisioni i ZKK ka kryer edhe këto punë:

- ka ndarë mjete higjienike dhe shkollore për 9 SHFMU dhe gjashtë shkolla SHML ku mësimet i ndjekin 104 nxënësit e komuniteteve;
- ka vizituar në muaj Qendrën për Paqe dhe Tolerancë, me qëllim të informimit të drejtpërdrejtë për problemet eventuale dhe të informimit të komunitetit serb, si në rastin e vizitës në kishën "Sveti Nikolla" në Prishtinë;
- ka vizituar Familjen Dërmonçiq e cila është xxxxx në një gjendje të rëndë, nga se janë të sëmurë anëtarët e familjes. U vizitua edhe Leposava Stojanoviç ne barakë afër RTK. Duke ditur gjendjen e rëndë të Leposava Stojanoviç, i janë ndarë dy metra dru zjarri nga DSHMS dhe 100 €;
- ka vizituar Familjen Mazade Balkon e komunitetit turk, pasi shtëpia i është djegur më dt. 03.01.2016, në të cilën jetonin pesë anëtarë të familjes;
- ka kompenzuar nga Komuna një shumë të caktuar për djegien e shtëpive të Remzi Marollit-ashkali, Mazda Balkan e komunitetit Boshnjak, Miliçeviç Gordana Bernic e Poshtme dhe Slobodan Bojkoviç, anëtar i komunitetit serb nga Bërnica e Poshtme duke i kompenzuar dëmin nga vërshimet për shkak të mbylljes së pusëtës;
- vizitë e zyrtarëve të ZKKK dhe inzh, të MKK të xxxxxxxxxxxx në terren në familjen e z. Dejan Kostiq nga Bërnica e Poshtme për të verifikuar qartë nëse shtëpia e tij është për rindërtim apo riparim. Inxhinerët e ndërtimit do të konstatojnë zyrtarisht situacionin e shtëpisë për riparim apo rindërtim.

VI. Kërkesat

Gjatë periudhës janar-qershor 2016 Komiteti për Komunitete ka shqyrtuar të gjitha kërkesat e pjesëtarëve të komuniteteve: për dru zjarri, ndihmë emergjente, strehim, riparime dhe për kompenzim dëmi. Këto kërkesa janë proceduar në drejtoritë përkatëse për realizimin e tyre. Shumica prej tyre janë realizuar.

VII. Ndihma familjeve dhe nxënësve të disa komuniteteve

Zyrtarët e ZKKK, me përkrahjen e Komitetit dhe drejtorit të Administratës, bënë ndarjen e mjeteve higjienike dhe mjeteve mësimore për nxënësit e komunitetit ashkali dhe rom.- (?)

Komisioni i ZKK ka ndarë mjete higjienikë dhe shkollore në nëntë SHFMU dhe gjashtë SHML ku mësimet i ndjekin 104 nxënësit të komuniteteve , të financuara nga Komuna e Prishtinës.

Me iniciativën e ZKKK dhe përkrahjen e Komitetit, familjet skamnore të komunitetit RAE, serbë e boshnjakë, janë furnizuar me nga 2 m2 drurë zjarri dhe kanë

marrë nga 100 € ndihma emergjente nga Drejtoria e Shëndetësisë dhe Mirëqenies Sociale. Komisioni për identifikimin e familjeve të cënueshme nga radhët e komuniteteve joshumicë, i formuar nga Komitetit për Komunitete, ka zhvilluar vizitë në familjet e komuniteteve joshumicë që janë konsideruar si familje të cënueshme. Komisioni ka hartuar një raport në detaje për secilën familje që është shqyrtuar dhe miratuar në Komitetin për Komunitete.

VIII. Projektet për zhvillim të komuniteteve jo shumicë në Komunën e Prishtinës

Gjatë periudhës janar-qershor 2016, Komiteti për Komunitete i përkrahu Projektet për zhvillim të komuniteteve për vitin 2016.

Projektet për zhvillim të komuniteteve për vitin 2016:

1. Pastrimi dhe rrethimi i varrezave myslimane në Bardhosh;
2. pastrimi dhe rrethimi i varrezave serbe në Matiçan;
3. ndërtimi i rrethojës së kishës në Bërnice të Poshtme me themel betoni;
4. ndriçimi i shtatë rrugicave në Bardhosh dhe ndriçimi i rrugës në Bërnice të Epërme prej shkollës deri tek kroi i Milevcit, duke filluar nga mulliri.
5. Vendosja e zebrave dhe kontonierëve të mbeturinave në Rr. „Bedri Gjini“ në Kodrën e Trimave.

Në Drejtorinë e Infrastrukturës:

1. Ndërtimi i trotuarit në rrugën kryesore në Bërnice të Poshtme në njërin krah me gjatësi prej 2.5 km
 2. Asfaltimi i rrugëve dytësore në Bërnice të Poshtme me gjatësi prej 1.5
 3. Asfaltimi i rrugës prej kanalit të Ibër-Lepencit deri tek varrezat në Bardhosh,
 4. Shtrimi me kubëza i parkingut të Kishës “Sveti Nikola” në Prishtinë.
- Në konkursin për aplikim të projekteve për grante-subvencionim të shpallur nga IOM prej 01.02.2016 – 19.02.2016 kanë aplikuar 12 anëtarë të komuniteteve joshumicë (9 anëtarë të komunitetit serb; 2 anëtarë të komuniteteve RAE; dhe 1 anëtarë i komunitetit goran).

Konkluzionet

Gjatë periudhës janar-qershor 2016, Komiteti për Komunitete nga takimet që ka mbajtur, ka nxjerrë 28 Konkluzione, shumica prej të cilave janë implemtuar:

1. Sigurimi i transportit për nxënësit e komunitetit serb në relacionin Prishtinë – Graçanicë;
2. implemtimi në fazën e procedurës për 7 projekte të vitit 2015 nga Zyra e Prokurimit;
3. dërgimi i raporteve të punës nga zyrtarja e Njësisë për të Drejtat e Njeriut dhe Barazisë Gjinore Komitetit për Komunitete;
4. pjesëmarrja e drejtorëve dhe zyrtarëve të tjerë më seancat e Komitetit për Komunitet;
5. përkrahja dhe takimet me Kryetarin e Komunës.

IX. Sfidat

Gjatë periudhës janar-qershor 2016, Komiteti për Komunitete ka hasur edhe në sfida dhe vështirësi për kryerjen e punëve. Sfidat kryesore janë:

1. **Drejtoria e Infrastrukturës** nuk i ka zbatuar konkluzionet e Komitetit lidhur me rregullimin e kanalizimit dhe mbeturinave në Bardhosh dhe Bërnice të Poshtme gjatë gjashtëmujorit të parë 2016;

2. **Drejtoria e Pronës** nuk e ka zbatuar konkluzionin e Komitetit dhe as nuk e ka inicuar te organet kompetente- inspeksioni, problemin për identifikimin, uzurpimin dhe lirim të banesës në ndërtesën banesore në YU Program në lagjen “Ulpianë” , si dhe në objektin banesor në rrugën “Ragip Loxha” afër “Shtëpisë së Pleqëve”.
3. **Drejtoria e Shëndetësisë dhe Mërqinies Sociale** nuk i ka zbatuar konkluzionet e Komitetit për Komunitete për ndihmë në strehimin e përkohshëm dhe ndihmë materiale për pjesëtarin komunitetit boshnjak, Sakiba Jashari , pasi pozita e saj ekonomike e sociale është shumë e vështirë.
4. Komiteti për Komunitete, nga ana e Zyrës Ligjore nuk është informuar fare me rregulloret, vendimet, konkurset e shpallura dhe aktet e tjera juridike, edhe pse është përkrahur nga shefi i personelit.

Mund të konstatohet se Komiteti për Komunitete i ka shqyrtuar dhe realizuar të gjitha aktivitetet që janë planifikuar sipas Planit të punës 2016 dhe Rregullores së punës të Komitetit për Komunitete.

Prishtinë,

09.08.2016

Kryesuesi i Komitetit për komunitete
Nenad Miladinović